

## **KONKURS**

**za dodjelu stipendija studentima i učenicima  
u akademskoj/školskoj 2010/11. godini**

### I

Na osnovu Odluke Upravnog odbora, Fond "BOŠNJACI" Sarajevo će u akademskoj/školskoj 2010/11. godini dodijeliti 65 stipendija, i to:

**1. 45 (četrdeset pet) stipendija za studente:**

- a) Fakultet Islamskih nauka 8 stipendija (na prijedlog FIN-a);
- b) Ostali fakulteti 37 stipendija (u skladu sa kriterijima i sistemom bodovanja).

**2. 20 (dvadeset) stipendija za učenike po prijedlogu škola:**

- a) Prva bošnjačka gimnazija u Sarajevu ..... 5 stipendija;
- b) Gazi Husrev-begova medresa u Sarajevu ..... 5 stipendija;
- c) Elči Ibrahim-pašina medresa u Travniku ..... 2 stipendije;
- d) Behram-begova medresa u Tuzli ..... 2 stipendije;
- e) Karadžoz-begova medresa u Mostaru ..... 2 stipendije;
- f) Medresa "Osman ef. Redžović" u Visokom ..... 2 stipendije;
- g) Medresa "Džemaluddin ef. Čaušević" u Cazinu ..... 2 stipendije.

### II

Stipendije se dodjeljuju za period akademske/školske 2010/11. godine, odnosno od 01. septembra 2010. do 30. juna 2011. godine, tj. 10 stipendija u mjesečnim iznosima od:

- a) 150,00 KM za studente;
- b) 120,00 KM za učenike srednjih škola.

### III

**OPĆI KRITERIJI:**

- državljanin BiH;
- redovan student/učenik u akademskoj/školskoj 2010/11. godini.

### IV

**POSEBNI KRITERIJI:**

- postignuti rezultati u učenju i vladanju;
- materijalno stanje porodice - socijalni status;
- da student ima najmanje prosjek ocjena 7,50 u prethodnoj akademskoj godini;
- da učenik ima najmanje prosjek ocjena 4,50 u prethodnoj školskoj godini;
- da nije stipendista nekog drugog pravnog ili fizičkog lica niti da ostvaruje pravo na novčanu naknadu po drugom osnovu;
- iskazani posebni rezultati na državnim, evropskim i svjetskim takmičenjima u određenoj oblasti;
- iz jedne porodice ne može biti više od jednog korisnika stipendije Fonda "Bošnjaci".

### V

Studenti i učenici primaoci stipendija iz prethodne tri akademske/školske godine koji su ispunili uslov za upis u narednu godinu, odnosno uspješno okončali prethodni razred, stiču pravo na stipendiju u akademskoj/školskoj 2010/11. godini.

Bezuslovno pravo na stipendiju imaju studenti koji ispunjavaju opće kriterije sa prosječnom ocjenom 10,00.

### VI

Za studente prve godine fakulteta prosjek ocjena i drugo se uzima iz završnog razreda srednje škole, a za učenike prvog razreda srednje škole prosjek ocjena i drugo se uzima iz završnog razreda osnovne škole.

## VII

Krajnji rok za dostavu zahtjeva je 20. oktobar 2010. godine, a rezultati konkursa će biti objavljeni 25. novembra 2010. godina na internet stranici Fonda "Bošnjaci", [www.fondbosnjaci.co.ba](http://www.fondbosnjaci.co.ba)

## VIII

Komisija za bodovanje i utvrđivanje prijedloga kandidata za dodjelu stipendija će utvrditi broj bodova za svakog kandidata prema slijedećem:

- bodovi po osnovu postignutih rezultata u učenju i vladanju;
- bodovi po osnovu prosječnih primanja po članu domaćinstva;
- bodovi po osnovu statusa roditelja-porodice;
- bodovi po ostalim osnovama.

### POTREBNA DOKUMENTACIJA:

#### a) Obavezna

- zahtjev za dodjelu stipendije (skinuti sa internet stranice [www.fondbosnjaci.co.ba](http://www.fondbosnjaci.co.ba) ili podići u sjedištu Fonda);
- uvjerenje/potvrda o upisu u akademsku/školsku 2010/11. godinu;
- kopija indexa (stranica sa ličnim podacima i fotografijom);
- kopija diplome o završenoj srednjoj školi (studenti prve godine studija);
- uvjerenje o državljanstvu;
- kućna lista (izdaje se i ovjerava u općini);
- jedna fotografija 3,5 x 4,5 cm;
- izjava da podnosilac zahtjeva nije stipendista nekog drugog pravnog ili fizičkog lica (izjava se daje i ovjerava u općini).

#### b) Dokumentacija koja se boduje

- uvjerenje o položenim ispitima iz prethodne godine s izračunatim prosjekom ocjena na dvije decimale;
- dokaz za osvojeno prvo, drugo ili treće mjesto na državnom, evropskom ili svjetskom takmičenju za prethodnu ak./šk. godinu;
- dokazi o ukupnim mjesečnim prihodima/primanjima svih članova porodičnog domaćinstva po osnovu: radnog odnosa, penzije, samostalne djelatnosti, boračko-invalidske zaštite i drugih osnova (potvrda o ličnim primanjima, posljednji ček od penzije, čekovi od IMO i LIMO, za nezaposlene članove domaćinstva uvjerenje Zavoda za zapošljavanje, a ukoliko se ne vode na Zavodu za zapošljavanje dostaviti uvjerenje iz poslovnice PIO/MIO da se ne vodi kao osigurano lice po osnovu radnog odnosa ili ovjerena fotokopija zdravstvene knjižice iz koje se vide podaci o osiguranom licu, osnovu osiguranja ili pak srodstvu sa osiguranikom);
- uvjerenje iz porezne uprave da kandidat ili punoljetni članovi domaćinstva ne ostvaruju dodatne prihode (izdaje ispostava porezne uprave u općini);
- uvjerenje/potvrda da je aplikant učenik ili ponos generacije u prethodnoj školskoj godini;
- dokazi za roditelje: bez jednog ili oba roditelja, šehidska porodica, RVI od 60-80%, RVI preko 80%, pripadnik OS u toku agresije na R BiH najmanje 24 mjeseca;
- za učenike i studente sa kućne liste dostaviti potvrdu o redovnom upisu u školu ili fakultet;
- dokaz o stanovanju van prebivališta porodice, u studentskom domu ili u privatnom smještaju;
- dokaz o stanovanju u prinudnom smještaju.

### NAPOMENA:

1. Pravo učešća na konkursu imaju studenti **dodiplomskog** studija i učenici srednjih škola;
2. Neblagovremeni i nepotpuni zahtjevi **neće se uzimati** u razmatranje;
3. Uz zahtjev dostaviti **originalna dokumenta ili ovjerene** fotokopije.

**Zahtjev sa potrebnom dokumentacijom dostaviti putem pošte ili lično na adresu:**

**Fond "Bošnjaci" Sarajevo, ulica Reisa Džemaludina Čauševića br. 2, 71000 Sarajevo.**

**DIREKTOR**

**Šahin Kerla, prof.**